

Канон святым равноапостольным

Константину и Елене

Празднуем 21 мая (3 июня)

Тропарь, глас 8-й

Крестá Твоегó образ на небесí видев, и якоже Пáвел звание не от человек приём, во царех апóстол Твой, Гóсподи, царствующий град в руке Твоей положи, егóже спасáй всегда в мире молитвами Богородицы, еди́не Человеколю́бче. (Дважды.)

Слава, и ныне, Богородичен: Иже нас ради рождейся от Девы, и распятие претерпев Благий, испровергий смертью смерть, и воскресение явлей яко Бог, не презри яже создал еси рукою Твоею, яви человеколюбие Твое, Милостиве, прими рождшую Тя Богородицу молящуюся за ны, и спаси, Спасе наш, люди отчаянные.

Канон, глас 8-й

Песнь 1

Ирмос: Воду прошед яко сушу, и египетскаго зла избежав, израильтянин вопияше: Избавителю и Богу нашему поим.

Припев: Святии равноапостольнии Константи́не и Елено, моли́те Бо́га о нас.

Еди́не Небесный Царю́, царствующаго греха́ ныне во мне, Твоих угодников мольба́ми, смиренную ду́шу мою́ свободи́.

Святии равноапостольнии Константи́не и Елено, моли́те Бо́га о нас.

Го́рняго быв рачи́тель Царствия, блаженне Константи́не, Царю́ всех и Влады́це, умом чи́стым веровав, послужил еси́.

Слава: Светом облиставшися богоначальным, тьму неразумия оставила еси́ воистинну, богомудрая Елено, приискренно Царю́ веков поработала еси́.

И ныне: Дверь Божественнаго востока, отверзи ми двери покаяния, и от дверей смертоноснаго греха́ ходатайством Твоим избави мя, Владычице.

Моли́те Бо́га о нас, святии равноапостольнии Константи́не и Елено, яко мы усердно к вам прибегаем, скорым помощником и молитвенником о душах наших. (Поклон.)

Песнь 3

Ирмос: Небеснаго круга Верхотворче, Гóсподи, и Цérкве Зиждителю, Ты мене́ утверди́ в любви́ Твоей, желаний краю́, верных утверждение, еди́не Человеколю́бче.

Святии равноапостольнии Константи́не и Елено, моли́те Бо́га о нас.

Возмездия небесная получи́ти потщался еси́, темже зовущему, богомудре, последовал еси́, и тьму оставил еси́, отче, преданныя ти лести, и светильник Ду́хом Божественным был еси́.

Святии равноапостольнии Константи́не и Елено, моли́те Бо́га о нас.

Христу́ прилепившия и на Него́, всечестная, всю возложивши надежду,

священна́я Егѡ́ мѣста́ достигла еси́, в нихже пречистыя страсти, воплотився, претерпѣ Преблагій.

Слава: Спасительное ору́жие, неразори́мое одоле́ние, христиа́нскую наде́жду, Крест Честный, за́вистию сокровѣнный, ты явила еси́, божѣственным распалѣема желáнием, богоблаже́нная.

И ныне: Священна́го граждáнства отпа́д, Пречистая, приложихся скотѡ́м и осужде́н весь бых; Яже Судию́ рѡ́дшая, вся́кого осужде́ния избáви и спаси́ мя.

Моли́те Бо́га о нас, святи́и равноапѡ́стольнии Константíне и Елѣно, я́ко мы усѣрдно к вам прибега́ем, скѡ́рым помощником и моли́твенником о душа́х на́ших. (Поклон.)

Господи помилуй. (Трижды.)

Седален, глас 8-й

Чу́ства простѣр к небеси́ и звѣздную навѣкнув добрѡ́ту, от сих тайноучи́мь бывáя вся́ческих Гѡ́спода, крѣстное же ору́жие посреде́ облистá, напису́я о сем побежда́ти и держáвным бы́ти. Тѣмже, души́ твоея́ отвѣрз очеса́, письмо́ прочел еси́ и образу́ научився, Константíне всечѣстне, моли́ Христа́ Бо́га согрешѣний оставле́ние дарова́ти праздноующим любѡ́вию святу́ю пáмьять твою́.

Слава, и ныне, Богородичен: Премудрѡ́сть и Сло́во в Твоѣ́м чре́ве заче́нши неопáльно, Мáти Бѡ́жия, мiрови родила́ еси́ мир Содержáщаго и в объáтиях понесла́ еси́ вся Нося́щаго, Питáтеля всех и Творца́ твáри. Тѣмже молю́ Тя, всесвятáя Дѣво, и вѣрно сла́влю Тя, избáвитися ми от прегрешѣний, и в день суда́, егда́ предста́ти íмам пред лицѣ́м Создáтеля моего́, Влады́чице Дѣво чистая, твою́ пѡ́мощь тогда́ пода́ждь ми: вся бо мѡ́жеши, ели́ка хѡ́щеши, Всепѣтая.

Песнь 4

Ирмос: Услы́шах, Гѡ́споди, смотре́ния Твоего́ та́инство, разуме́х дела́ Твоя́, и просла́вих Твое́ Божество́.

Святи́и равноапѡ́стольнии Константíне и Елѣно, моли́те Бо́га о нас.

С небесе́, я́ко Пáвля ты дрѣвле, уловля́ет Христѡ́с Господь, Константíне, научáя тя Царя́ еди́наго Сего́ почита́ти.

Святи́и равноапѡ́стольнии Константíне и Елѣно, моли́те Бо́га о нас.

Пресвѣтлым зна́мением ты, блаже́нне, звезда́ми Христѡ́с Со́лнце озаря́ет и свети́льника ты омраче́нным показá.

Святи́и равноапѡ́стольнии Константíне и Елѣно, моли́те Бо́га о нас.

И нра́вы боголюбíва и божѣственными дея́нии досточудна, блаже́нная, была́ еси́, сего́ ра́ди вѣрою ты сла́вим.

Слава: Явля́еши крýемую лѣты́ мно́гими ны́не божѣственную побѣду́ Крестá, íмже спасѡ́хомся и дѣмонския прѣлести избáвихомся.

И ныне: Ду́шу мою́ озари́, омраче́нную согрешѣньми, Яже Со́лнце правды́ рѡ́дшая, Присноде́во.

Моли́те Бо́га о нас, святи́и равноапѡ́стольнии Константíне и Елѣно, я́ко мы усѣрдно к вам прибега́ем, скѡ́рым помощником и моли́твенником о душа́х на́ших. (Поклон.)

Песнь 5

Ирмос: Утренююще вопиём Ті: Гóсподи, спасі ны, Ты бо еси Бог наш, разве Тебé иного не вéмы.

Святіи равноапóстольнии Константіне и Елéно, моліте Бóга о нас.

Утреневав к незаходімому Сóлнцу и Владыце, царю богомудре, свéта исполнен был еси.

Святіи равноапóстольнии Константіне и Елéно, моліте Бóга о нас.

Любóвь и совершенное милосéрдие, я́ко порфіру, носящи, вселилася еси ны́не в вы́шняя Цáрствія.

Слава: Совокупілася еси со безплóтных, Елéно, ликостоя́нии, Бóгу угоди́вши добродéтельными тво́ими дея́нии.

И ны́не: Дéво, ду́шу мою́ очисти, осквернённую сластьми́ телéсными, наветом зми́иным.

Моліте Бóга о нас, святіи равноапóстольнии Константіне и Елéно, я́ко мы усéрдно к вам прибега́ем, скóрым помощником и молітвенником о душа́х на́ших. (Поклон.)

Песнь 6

Ирмос: Молітву пролиó ко Гóсподу, и Тому́ возвещу́ печáли моя́, я́ко зол душа́ моя́ исполнися, и живóт мой áду прибли́жися, и молю́ся я́ко Ио́на: от тли, Бóже, возведи́ мя.

Святіи равноапóстольнии Константіне и Елéно, моліте Бóга о нас.

Собрáл еси́ богонóсных отéц блажéнный лик преслáвно, и те́ми, Константіне, всех обурева́емая сéрдца утверди́л еси́, единочéстна славослóвити Рóждшему Слóва, и сопрестóльна.

Святіи равноапóстольнии Константіне и Елéно, моліте Бóга о нас.

Вéровавши в Гóспода живá, éже бы́ти всем подаю́щаго, мэ́рзских и сýетных и́долов мэ́ртвенная отрину́ла еси́ служéния, и прия́ла еси́ радóстно, Елéно, Цáрство Небéсное.

Слава: Длáнию Твоéю окормля́еми, Слóве, невéдения глубочáйшую тьму и лю́таго безбóжия бúрю Тобóю цáрствовавши отрину́ша, и приведóшася к т́хим благочéстия пристáнищам, раду́ющеся.

И ны́не: Исцели́ неисцéльно недúговавшее и ухаплéнием лука́ваго лю́те уязвившееся сéрдце моé, Отрокови́це, и Твоегó исцелéния сподóби, и спаси́ мя, на Тя надéющагося, мольба́ми Тво́ими, Пречи́стая.

Моліте Бóга о нас, святіи равноапóстольнии Константіне и Елéно, я́ко мы усéрдно к вам прибега́ем, скóрым помощником и молітвенником о душа́х на́ших. (Поклон.)

Господи помилуй. (Трижды.) Слава, и ны́не.

Кондак, глас 3-й

Константін днесь с ма́терию Елéною Крест явля́ют, всечестно́е Дрэво, всех у́бо иудéов посрамлéние сýще, ору́жие же на противныя вёрных людéй; нас бо ра́ди я́вися зна́мение вéлие и во бранéх грóзное.

ИКОС

Константи́на, ве́рнии, с ма́терию почти́м: Дави́да бо и сии́ словеса́ услы́шавше, на ке́дре, и пёвге, и кипари́се, тресло́жный Крест позна́ша, ѿмже спаси́тельная страсть послéдова, и вся предста́виша иуде́и, угото́виться показати́ лю́дем ве́лие оправда́ние, сокрове́нное за́висти ра́ди и ненави́сти тех, и сие́ обрётше, показа́ша о́ни. Сего́ ра́ди всем победоно́снии яви́шася, ору́жие нося́ще необори́мое, зна́мение ве́лие и во бранéх гро́зное.

Песнь 7

Ирмос: О́троцы евре́йстии в пе́щи попра́ша пла́мень дерзнове́нно, и на ро́су огонь преложи́ша вопи́юще: благослове́н еси́, Го́споди Бо́же, во ве́ки.

Святи́и равноапо́стольнии Константи́не и Еле́но, моли́те Бо́га о нас.

Твоя́ повелéния сохра́няя, повину́ся Твоему́ зако́ну Константи́н. Те́мже беззаконнующих низложи́ ополчéния, вопия́ Тебе́: Го́споди Бо́же, благослове́н еси́.

Святи́и равноапо́стольнии Константи́не и Еле́но, моли́те Бо́га о нас.

Дре́во, е́же всех извлéкшее, досточúдне, из ро́ва поги́бели, загребе́нное за́вистию, нам открыва́еши, погребая́й де́моны всегуби́тельныя во ве́ки.

Слава: Дея́нии божéственными создала́ еси́ се́рдце твоё це́рковь Бо́гу, Еле́но, и хра́мы свяще́нныя Тому́ соделала́ еси́, иде́же плóтию пречи́стыя нас ра́ди подъя́т стра́сти.

И ныне: Волею́ моею́ согреша́яй и порабо́щен безме́стными обы́чайми, ко обы́чному Твоему́ ны́не притека́ю милосе́рдию, отча́яннаго спаси́ мя, Пресвята́я Богоро́дице.

Моли́те Бо́га о нас, святи́и равноапо́стольнии Константи́не и Еле́но, я́ко мы усе́рдно к вам прибега́ем, ско́рым помо́щником и моли́твенником о душа́х на́ших. (Поклон.)

Песнь 8

Ирмос: Седмери́цею пе́щь халде́йский мучи́тель богочестивым не́истовно разжже́, си́лою же лу́чшею спасе́ны сия́ ви́дев, Творцу́ и Изба́вителю вопия́ше: о́троцы, благослови́те, свяще́нницы, воспой́те, лю́дие, превозноси́те во вся ве́ки.

Святи́и равноапо́стольнии Константи́не и Еле́но, моли́те Бо́га о нас.

Я́ко багряни́цею, сла́вне, оде́явся милосе́рдием, и я́коже хламидо́ю, в до́брую кро́тость венце́м укра́шен был еси́ добродетéлей соверше́нным умом, и преста́вься от земли́ к вы́шнему Ца́рствию, зове́ши: иере́и, благослови́те, лю́дие, превозноси́те Христа́ во ве́ки.

Святи́и равноапо́стольнии Константи́не и Еле́но, моли́те Бо́га о нас.

Веселя́щуюся ви́дящих с сы́ном тя богому́дром, сла́вная Еле́но, в Бо́жии Ца́рствии, Христа́ велича́ем, ваш честный пра́здник показавшаго нам, па́че лучи́ со́лнечныя нас озари́вший, ве́рно пою́щих: лю́дие, превозноси́те Христа́ во ве́ки.

Слава: Я́ко чу́дно желáние твоё и нрав божéственный, сла́вная Еле́но, жена́м похвалó: мест бо дости́гши, честны́я стра́сти подъя́вших, Влады́це всех хра́мы прекра́сными удо́брила еси́, вопи́ющи: лю́дие, превозноси́те Христа́ во ве́ки.

И ныне: Души́ моея́ о́чи, мно́гими преступлéнии ослеплённыя, Богоро́дице,

просвети́, ум мой умири́ и се́рдце, молю́ся, смущённое сластьми́ многообразными, и спаси́ мя, вопи́ющая: иере́и, благослови́те, лю́дие, превозноси́те Чи́стую во вся ве́ки.

Моли́те Бо́га о нас, свя́тии равноапо́стольнии Константи́не и Еле́но, я́ко мы усер́дно к вам прибега́ем, ско́рым помо́щником и моли́твенником о душа́х на́ших. (Поклон.)

Песнь 9

Ирмос: Ужасе́ся о сем не́бо, и земли́ удиви́шася концы́, я́ко Бог яви́ся челове́ком плóтски, и чре́во Твое́ бысть пространнейшее небес. Тем Тя, Богороди́цу, Ангелов и челове́к чиновача́лия велича́ют.

Свя́тии равноапо́стольнии Константи́не и Еле́но, моли́те Бо́га о нас.

Гроб, иде́же лежи́т свяще́нное, Константи́не, и честно́е те́ло твоё, зарю́ божественных исцелёний чи́сте приступа́ющим всегда́ источа́ет, страсте́й разли́чных тьму отгоня́я, и све́том невече́рним просвеща́я восхваля́ющих тя.

Свя́тии равноапо́стольнии Константи́не и Еле́но, моли́те Бо́га о нас.

Свя́то свою́ сконча́вши жизнь, со святы́ми ны́не всели́лася еси́, освяще́ния испо́лнена бы́вши и просвеще́ния. Те́мже и исцелёний всегда́ источа́еши ре́ки, и стра́сти попада́еши, Еле́но блаже́нная, и напая́еши ду́ши на́ша.

Слава: Пребезнача́льне безсме́ртне Царю́, Ца́рствия вы́шняго сподо́бил еси́, ихже благоче́стно дре́вле оправда́л еси́ на земли́, е́же ца́рствовать, Го́споди, Тя возлюбивших чи́сте, Еле́ну святу́ю и вели́каго Константи́на, ихже моли́твами всех ущедри.

И ныне, Богородичен: Всех Царя́ и Творца́ заче́нши, Де́во, родила́ еси́ и се ны́не, я́коже Цари́ца одесну́ю Сего́, Чи́стая, предстои́ши. Те́мже молю́ Тя: шу́ия ча́сти изба́ви мя в час суда́, и десны́м овца́м сопричти́.

Моли́те Бо́га о нас, свя́тии равноапо́стольнии Константи́не и Еле́но, я́ко мы усер́дно к вам прибега́ем, ско́рым помо́щником и моли́твенником о душа́х на́ших. (Поклон.)

Тропарь, глас 8-й

Креста́ Твоего́ о́браз на небеси́ ви́дев, и я́коже Па́вел зва́ние не от челове́к приём, во царёх апо́стол Твой, Го́споди, ца́рствующий град в руке́ Твое́й положи́, его́же спаса́й всегда́ в ми́ре моли́твами Богороди́цы, еди́не Человеколю́бче.

Кондак, глас той же

Слава: Константи́н днесь с ма́терию Еле́ною Крест явля́ют, всечестно́е Дре́во, всех у́бо иуде́ов посрамле́ние су́ще, ору́жие же на противны́я ве́рных люде́й; нас бо ра́ди яви́ся зна́мение ве́лие и во бранёх гро́зное.

Слава, и ныне, Богородичен: Иже нас ра́ди рождё́йся от Де́вы, и распя́тие претерпе́в, Благо́й, испрове́ргий сме́ртию сме́рть, и воскресе́ние явле́й я́ко Бог, не презри́ я́же созда́л еси́ руко́ю Твое́ю, яви́ человеколю́бие Твое́, Ми́лостиве, приими́ ро́ждшую Тя Богороди́цу моля́щуюся за ны, и спаси́, Спа́се наш, лю́ди отча́янные.